

得人身誠性荒迷惡癡等報食肉之人有二種罪報一者善法不行斷慈悲種所在常與衆生報酬為冤二者眷屬離散多悲常歎死墮餓鬼地獄豺狼等身是大惡業非真人行

飲酒食肉罪消滅

天尊曰已上十二種大惡業速宜退省勤行懺悔若不懺悔身謝之後風刀考身長淪惡趣生生世世與道無緣有識無情不喜聞見何況真智身心自為忍辱

○天尊說是戒已復唱是言弟子受真戒次當發弘願使得戒根牢固如玄都山戒相端嚴如玉京殿戒德光明如琉璃珠天人同唱而說偈曰

稽首三界主 歸命萬道尊 願垂真妙戒 開度於天人 能發片善心 精誠心不退 威力常加護 同歸七寶林

太上十二上品飛天法輪勸戒妙經終

太極真人說二十四門戒經 爾時

元始天尊先天地生布炁十方成就萬象人天之主河嶽之君日月因之以運行四時稟之以成像作修道梯航為生死津梁出入無應時方便隨緣設教濟度蒼生為作法身周徧天下成一切智起無邊心或作帝王身或作宰官身或作郎吏身或作出家身或作法師身或作龍王身或作男子身或作女人身或作乞士身或作下賤身種種形變隨順世間肉眼凡夫不能見我以不識故多生顛倒是非人我貪癡因隨愛欲生從執著起便生地獄結成冤家從生至生從劫至劫不曾覺悟正念身心未入定源起離虛假沈淪惡道漂浪愛河被業風吹豈能正定三業自種十惡心生於正法中盡作分別永沈苦海解脫無緣常念衆生苦惱無量我今傳戒止惡防愆能自依行是成道果

太極真人又曰我前五百生中發念修道見一切法無非真法何以故不以假見故知一

切法無有非真何以故以真知故知假者見假真者見真但作真心即是真智真不離假變假還真假不離真妄真成假但能斷假歸真戒成如說奉行晝夜讀誦自無地獄皆證天堂凡念戒時每月一日八日十四日十五日十八日二十三日二十四日二十八日二十九日三十日月小却取二十七日此名十直齋日立春日春分日立夏日夏至日立秋日秋分日立冬日冬至日此名八節齋日正月十五日七月十五日十月十五日此名三元齋日正月一日四月一日七月一日十月一日此名四始齋日正月七日七月七日十月五日此名三會齋日如此等日同業共行修道戒人或少或多同居靜室清齋讚唱念誦燒香或在觀中名為福地掃洒房院即是玄壇能屈法師誦我妙誠燒衆妙香是時即有左右官使者三十二天真仙帝君十方靈官五嶽將吏九州社令山林孟長水府靈祇十二溪女飛天神王諸天童子無鞅數眾一時同會念誦之所錄其功德記發心人當

必為之削除罪業若能堅固抄寫受持每能念之劫劫生生不墮地獄真人說諸戒得我今眾等深心慚愧各各受持唯願戒師時時為說

第一誠者不得殺生割斷他命煎煮美味以

饒一身或自殺教他殺見殺隨喜噉食眾生犯者過去受鑊湯地獄罪

第二誠者不得偷盜取非義財夜入人家畫窺園圃承其便勢遂起賊心或自偷教人偷見偷隨喜犯者過去受刀山劍樹地獄罪

第三誠者不得心懷陰謀枉陷良善見人勝已便欲害他計較不平自求饒益他好我認我惡怨他犯者過去受爐炭地獄罪

第四誠者不得口是心非亂亂親戚談說三寶有誑誘出家走作屠舌非笑良善誹謗聖教十一疑惑兩心說語不平勸生分別犯者過去受鐵犁耕舌地獄罪

第五誠者不得違經慢道欺誘他人敗壞靈壇侵損常住隱沒功德踐踏福地犯者過

去受剉身地獄罪

第六誠者不得飲酒醉亂心神凶橫無度不存禮樂喧嘩尊親呼喚神靈驚心損氣犯者過去受毒蛇食心地獄罪

第七誠者不得妄言綺語惡口兩舌罵詈辱

親毀辱師長善言惡對轉為怨讎犯者過去受鎔銅灌口地獄罪

第八誠者不得行邪心曲耽淫愛色執著生迷離他恩愛奪人寵念隔絕他家犯者過去受抱銅柱地獄罪

第九誠者不得慳貪吝惜財物自求饒益妬他人呪詛一切更相猜忌彼此怨深犯者過去受鐵輪地獄罪

第十誠者不得破齋破戒不孝不仁偷竊齋食隱沒廚供令彼功德使不周圓犯者過去受運石培山地獄罪

第十一誠者不得毀拆尊像偷竊幡花自將

供養充衣裳卧具犯者過去受卧鐵床地獄罪

第十二誠者不得見功德破壞屋舍傾崩不

好修營心懷虛過犯者過去受劊林割切身心地獄罪

第十三誠者不得因到人家見他有物便即貸借方便不還羅織貧窮非理逼奪犯者過去受寒米地獄罪

第十四誠者不得見人有憂心生歡喜見人苦惱心即快他見人有財常思下脫見人好心常自憎嫌犯者過去受鐵釘釘身身生猛火地獄罪

第十五誠者不得不洗手漱口直進道場侵觸經像穢污靈文心不恭敬多生懶慢犯者過去受鐵杖亂考地獄罪

第十六誠者不得探巢破卵傷胎墮子非理枉橫截斷生路犯者過去受大石壓身地獄罪

第十七誠者不得裸形露體於天地日月星辰之下三明六昧之中犯者過去受鐵錐刺身地獄罪

第十八誠者不得耗蠹常住攀摘花果損折園林穢污觀舍不生慚愧是輕福地犯者

過去受吞鐵丸地獄罪

第十九誡者不得雜食葷辛葱蒜蕪菜身中

尖穢神靈不居念誦修持觸犯靈聖犯者

過去受吞火食炭地獄罪

第二十誡者不得自以為是非笑他家於諸

法中橫起人我執心自著不見正真犯者

過去受磔磨確擣地獄罪

第二十一誡者不得將諸毒藥方便施人損

他性命每結怨嫌犯者過去受百毒惡汁

灌煮身心地獄罪

第二十二誡者不得計筭三寶離隔六親不

念捨施唯求自饒言作兩心不行一信犯

者過去受拔舌地獄罪

第二十三誡者不得將齋食就葷辛酒肉相

和共食不敬齋法諸天罰人犯者過去受

鐵鎖鎖身不得託生地獄罪

第二十四誡者不得自倚豪強欺誘貧賤離

拆男女不信天真生兩見心不斷人我自

行非去不識罪因犯者過去受鋸解身心

地獄罪

太極真人又曰此二十四門誡者身之大患  
犯者鋒刀萬劫常考生魂凡人或遍身楚痛  
或身自青赤心懷憂愁此是生魂冥司將考  
當須各隨力分燒香入齋行道禮懺持心受  
誠念无上天尊布施燃燈廣造功德更無再  
犯其罪必除

真人又曰凡欲學道先須齋戒洗心防患持  
戒功德多於微塵微塵之數見而可重齋戒  
之功无窮无盡一人持戒九祖生天合家蒙  
恩臨難分解縱盡家產已將布施還須持此  
戒。戒。若學道不持此戒終各不成就能持此  
戒者即有諸天帝王天真大聖神仙玉女无  
極世界一切靈司燒香燃燈證持戒者得福  
无量尅成道真諸天香花因便迎接必將此  
輩隨願往生若善男子善女人聞此戒經心  
生歡喜惡業便除能捨慳貪將清淨財贖所  
傳經戒發起回向持心精勤若為亡人臨送  
之夜或經初七乃至終七持誦此戒即得魂  
飛淨境託生天堂懷妊婦人聞此戒臨臨難  
分解若為己身厄難消除若緣闔家得福无

量戒約煩惱隔絕魔心努力勤修早求解脫  
諸天同唱而說偈言  
一切修學人 誓願成真道 慈悲念誠文  
隨聲斷煩惱 永離生死苦 得成无上道  
歸心向正真 紅顏不衰老

大極真人說二十四門戒經終